



Մ Ա Յ Ր Ա Թ Ո Ռ Ո Ւ Մ

Մարտի 14-ին, ՍՍՌՄ Գերագույն Սովետի ընտրությունների օրը, Մայր Աթոռի միաբանությունը և Հոգևոր Ճեմարանի ուսանողությունը ներկայացան իրենց ընտրական տեղամասը՝ քվեարկելու ժողովրդի ընտրելիներին: Նրանք, որպես Սովետական Միության լիիրավ քաղաքացիներ, իրենց ձայնը միացրին բազմահազար սովետական ազնիվ քաղաքացիների ձայնին՝ քվեարկելով հօգուտ իրենց ցանկացած թեկնածուին:



Մայր Աթոռ Ս. Էջմիածնում վերջերս քաղաքական եռանդուն գործունեություն է ծավալել բարձրապատիվ Ս. Գեորգ վարդապետ Վաթյանը: Հայր սուրբն իր հուսալից դեղեցիկ քարոզներով մխիթարում է հավատացյալներին: Նա ոգևորում, եռանդ է ներշնչում նրանց՝ է՛լ ավելի նվիրվելու Հայ Նկեղեցուն, Հայրենիքին և սրբություն մարտնչելու Քրիստոսի երկնառաք սրբազան ավանդները:

Բացի Մայր Տաճարից, Մեծ Պահլավ օրերին հայր սուրբը քարոզներով հանդես է եկել նաև Երևանի Ս. Սարգիս, Ս. Հովհաննես և Ս. Զորավար եկեղեցիներում: Ունկընդրող հավատացյալներն ամենուրեք իրենց գոհունակություններն են հայտնում բարձրապատիվ Ս. Գեորգ վարդապետ Վաթյանի բովանդակալից քարոզների համար:



Մարտի 23-ին Հոգևոր Ճեմարանի դահլիճում տեղի ունեցավ գրական հանդես՝ նվիրված Հովհաննես Թումանյանի մահվան 31-րդ տարեդարձին: Ներկա էին Մայր Աթոռի միա-

բանությունը, Հոգևոր Ճեմարանի ուսանողությունը և դասախոսները:

Հանդեսը սկսվեց «Հայր մեր»ով:

Ճեմարանի վերատեսուչ Մ. Մինասյանի բացման խոսքից հետո, մեծ բանաստեղծի կյանքի ու ստեղծագործության մասին զեկուցումով հանդես եկավ Ճեմարանի լեզվի ու գրականության դասախոս Ա. Մինասյանը: Ինքնուրույն ստեղծագործություններով և արտասանություններով հանդես եկան Հոգևոր Ճեմարանի սաներ Զ. Չամչիկյանը, Ա. Բալաբանյանը, Զ. Դանիելյանը, Ֆ. Փիլիպոսյանը, Կ. Բենեկյանը, Ռ. Վարդանյանը, Ի. Մելքոնյանը:

Հանդեսն անցավ կազմակերպված ու հաջող՝ հիացում առաջացնելով ունկնդիրների մեջ:



Մարտի 24-ին, Հոգևոր Ճեմարանի դահլիճում տեղի ունեցավ հանդիսավոր գրական-երաժշտական երեկո՝ նվիրված հայ դասական երաժշտագետ Տիգրան Չուխաջյանի ծննդյան 117-րդ տարեդարձին: Ներկա էին Հոգևոր Ճեմարանի ուսանողությունը և միաբանության անդամները:

«Տիգրան Չուխաջյանի կյանքն ու գրական գործունեությունը» ընդհանուր ղեկուցումով հանդես եկավ Հոգևոր Ճեմարանի երաժշտության դասախոս Հրանտ Գեորգյանը: Այնուհետև ուսանողները Հրանտ Գեորգյանի ղեկավարությամբ կատարեցին առանձին երաժշտական կտորներ Տիգրան Չուխաջյանի «Կարինե» և «Արշակ Նրկորդ» օպերաներից: Երեկոն անցավ ջերմ ու խանդավառ մրթնությունում:

